



59486

Kalliope

Mag. St. Dr.



Profecti Gabrielis: Inaestis physica de anima ratio-
nati in statu unionis.

Biblioteka Jagiellońska



stdr0003573



Q

DI

D.
FO

J.
Pro
Crac


Stu

M.
Th

In Po

Anno

—



IN NOMINE DOMINI, AMEN.

Q V Æ S T I O

P H Y S I C A,

DE ANIMA RATIONALI,

In Statu Vnionis.

59486-III

SUB FELICISSIMIS AUSPICIIS,
Magnifici, Perillustris & Reuerendissimi Domini,

D. M. SAMVELIS
FORMANKOWIC,

J. V. DOCTORIS & PROFESSORIS;
Protonotarij Apostolici; Ecclesiarum, Cathedralis
Cracou: CANONICI, Collegiatæ SS. Omnium CUSTODIS,
Coniusiensis Curati; Contuberniorum Iuridici & Ia-
gelloniani PROVISORIS;

Studij Almæ Vniuersitatis Cracouiensis,
GENERALIS & VIGILANTISSIMI
R E C T O R I S.



M. GABRIELE^A PROFECKI,
*Philosophiæ Doctore, ac interea SCHOLÆ RHETORICES
in Collegio Nouoduorsciano Professore,*

Pro Collegio Minori,

Publicè ad Disputandum,

In Peraugusto DD. Theologorum Lectorio,

P R O P O S I T A. ^{0.0.}

Anno Instauratæ humanæ Salutis, per Vnionem Naturæ Diuinæ
cum humana, 1687. Die 2^a Mensis Martij.

CRACOVIAE, Typis Vniuersitatis.

M. G. F.

DAT. DONAT. DEDICAT.

Sine originali confusione,
 Creando infusa, infundendo Creatæ,
Ad imaginem & similitudinem DEI
Perfectissimæ Creaturæ.
 Omnium Creaturarum individualem perfectionem supergressæ;
 Soli Supremo Enti subalternatæ:
 Absq. priuatiui Accidentis mixtura,
 Simplicissima SUBSTANTIÆ.
 à productione sui,
 (Ut SS. Patrum sensus approbat)
 Visione Entis Entium fruente,
 Corporis purissimi MOTRICI;
Cordis humillimi,
 Ex quo Sanguinem purissimum in purpuram humanitatis assumptæ
 INCARNATUM VERBUM deriuauit,
 SANCTISSIMÆ INHABITATRICI.
 GRATIA DEI plenæ.
 Characteribus Virginitatis integerrimæ,
 & MATERNITATIS DEI;
 indelebiliter insignitæ.
 Contactu Diuinitatis in Incarnatione DEI,
 ineffabiliter sanctificatæ.
 Super montana Iudææ Magnificanti Dominum ANCILLÆ,
Et exultanti in DEO saluari suo.
 Conseruanti omnia Verba in ARCHIVO CORDIS;
 quæ de PRIMOGENITO DEI dicebantur.
 Supra montem CALVARIÆ,
 Anima Deificata, de corpore Lanceato egrediente
 Gladio Doloris transfixæ.
 Post quindecim verò Olympiades ad amissam Diuinæ legis
 Cursus consummati;
 à Corpore Virgineo, in DOMINO obdormiente felicissimè egressæ;
 Et Lumine gloriæ, in consortio Animarum Sanctarum delibato;
 Post trium dierum Vigiliis,
 Virtute Viuificantis omnia:
 ad Corpus illud, nulli obnoxium corruptioni,
 cum Gloria Resurrectionis regressæ;
 & continuo MOTORIS PRIMI opere triumphali,
 delegato Spirituum Cælestium ministerio,
 in Cælum Empyreum Assumptæ;
 Supra omnem Ordinem & Animarum in Regno Gloriæ eminentiam,
 à DEXTRIS DEI-HOMINIS collocatæ.
Immediatè post Deificatam Animam
Inter DEVM & Animas consitentes
 MEDIATRICI.
 Sponsæ Cælestis Turturi, & lotæ lacte Columba;
 Seraphim & Cherubim GERMANÆ;
 Angelorum DELICIO;
 Glorificarum PVPELLÆ;
 Innocentium PARADISO;
 Sanctarum SANCTVARIO;
 Castarum ARÆ, & CORONÆ;
 Periclitantium SIDERI & ANCHORÆ;
 Penitentium IVBILEO;
 Vniuersarum REGINÆ ANIMARVM.
 Animasticæ Facultatis DECANÆ;
 BEATÆ per omnes Generationes,
 Virginis & Matris DEI,
 Sanctissimæ ANIMÆ.
 Eas de Anima Rationali; Substantia simplici;
 immediatè, à DEO per creationem producta. Assertiones;
 Publicæ animorum velitationi exponentis,
 Æternum mancipata & militans Anima
 Velut Stipendiarium censum.
 DAT, DONAT, DEDICAT.

Q V Æ S T I O P H Y S I C A.

V Anima Rationalis, quæ est Substantia
+ simplex; à solo Deo immediatè, per
creationem producta; ipsa sola duntaxat in
vno viuente, & non plures: cum reliquis,
vniûs Speciei, sit æqualis perfectionis, necne?

C O N C L U S I O I.

Anima rationalis est substantia simplex.

C O R O L L A R I A.

- I. *Tota Entitas Animæ rationalis, est purè spiritualis.*
- II. *Anima rationalis, non existit communicabiliter ad corpus, ita; ut per talem communicationem, habeat esse à corpore.*
- III. *Etsi Anima Rationalis, sit subiectum actuum & habituum suorum; tamen non est composita Substantialiter.*
- IV. *Animam rationalem asserere, componi, ut & alias res; etsi quidem non ex materia sensibili, ut illa; sed ex alia quadam materia insensibili, seu receptiuò spirituali, stare non potest.*
- V. *Multiplicari formam purè spiritualem, ad multiplicationem corporis ita; ut dispositiones eius, sint tantum quasi occasiones quædam, ad creationem ipsius, simplicitati eius non obest.*

C O N C L U S I O II.

Anima rationalis, producitur à solo Deo immediatè, per Creationem.

C O R O L L A R I A.

- I. *Opiniones veterum de Animæ Rationali, asserentium, eam fieri ab Anima, sicut Corpus à Corpore; item tenentium eam transmutare de corpore in corpus, proinde multo tempore eam ante creationem extitisse, erroneæ sunt.*
- II. *Anima Rationalis, non producitur à Virtute seminali; neq; ab aliquo agente naturali.*
- III. *Angeli, non concurrunt ad Creationem Animæ Rationalis.*
- IV. *Homo etsi causa hominis est; non tamen ideò quod attingat productionem Animæ: sed compositi.*
- V. *Anima Rationalis, non præcedit Corpus; hoc est, non creatur ante ultimam dispositionem corporis, ad eius Unionem requisitam.*

CONCLUSIO III.

Anima rationalis, est ipsa sola duntaxat in Uno Viuente, s homine; non plures.

COROLLARIA.

- I. *Functiones Anima Rationalis, per diuersa Organa, totiûs humani corporis diuersa; unitatem eiusdem in corpore humano non tollunt.*
- II. *Ab Vna Anima Rationali prouenit; quod homo intelligat, amet, & irascatur.*
- III. *Dicere: quod homo, priûs Viuat Vitâ Vegetatiuâ, postea Sensitiuâ, tandem rationali; probabilitas, non certitudo oppositæ sententiæ est.*
- IV. *Fetus humanus, sola tantûm Anima intellectiua ab initio statim informatur: quamuis non statim operationes Anima intellectiua proprias exercent.*
- V. *Etsi Anima Rationalis, secundûm quasi suas rationes genericas considerata; est formaliter Vegetatiua & Sensitiua: non tamen ideò sequitur, Animas in homine plurificari.*

CONCLUSIO IV.

Anima Rationalis, cum reliquis Uniûs speciei; est æqualis perfectionis.

COROLLARIA.

- I. *Nullum est fundamentum, nulla ratio adstruendi inæqualitatem Substantialem, inter Animas uniûs speciei.*
- II. *Diuersa Capacitas naturalis in hominibus, non est ex diuersitate mentis; sed ex diuersa dispositione corporis.*
- III. *Ex Corpore perfectiori, quod preparare sibi dicitur Animam perfectiorem, malè colligitur ipsius Animæ proportionata perfectio.*
- IV. *Licet Una & eiusdem indiuidui Anima, nunc perfectiores operationes exercent, nunc imperfectiores; tamen hinc non sequitur eam toties substantialitèr mutari: & sibi ipsi inæqualem esse, in perfectione Substantiali.*
- V. *Anima Rationalis nec est intensibilis, nec extensibilis; ita à Deo in sui infusione limitata.*

Cui sit Honor & Gloria in æternum.

PERMISSU MAGNIFICI DOMINI
R E C T O R I S.



LXXXIII. 31.

Vi-

uma-
non

met,

senfi-
e sen,

atim
etua

ricas
amen

tæ-

atem

rsita,

mam
ectio,

ope-
uitur
se, in

Deo



36.

